

756428

15

Q

1850

Q

266

Q

Lugassy
11719

L. dnyl. 25C

LUCII JUNII MODERATI

COLUMELLAE

DE CULTU HORTORUM

LIBER.



Handwritten purple stamp, illegible text.

Impressum M. Szigethini

per Aloysium Zahorai 1843.



L
A
C
E
V
P
P
Q
A
P
N
P
T
P
A
C
S
M
C
M
N
T
V
A
A
M
T
C

HORTORUM quoque te cultus, Silvine, docebo,
Atque ea, quæ quondam spatiis exclusus iniquis,
Cum caneret lætās segetes, et munera Bacchi,
Et te, magna Pales, nec non cœlestia mella,
Virgilius nobis post se memoranda reliquit. 5
Principio sedem numero præbeat horto
Pinguis ager, putres glebas, resolutaque terga
Qui gerit, et fossus graciles imitatur arenas.
Atque habilis natura soli, quæ gramine læto
Parturit, et rutilas ebuli creat uvida baccas. 10
Nam neque sicca placet, nec quæ stagnata palude
Perpetitur querulæ semper convicia ranæ.
Tum quæ sponte sua frondosas educat ulmos,
Palmitibusque feris lætatur, et aspera silvis
Achrados, aut pruni lapidosis obruta pomis 15
Gaudet, et injussi consternitur ubere mali:
Sed negat helleboros, et noxia galbana succo,
Nec patitur taxos, nec strenua toxica sudat,
Quamvis semihominis vesano gramine foeta
Mandragoræ pariat flores, mœstamque cicutam, 20
Nec manibus mitis ferulas, nec cruribus æqua
Terga rubi, spinisque ferat paliuron acutis.
Vicini quoque sint amnes, quos incula durus
Attrahat auxilio semper sitientibus hortis:
Aut fons illachrimet putei non sede profunda, 25
Ne gravis hausturis tendentibus ilia vellat.
Talis humus vel parietibus, vel sæpibus hirtis
Claudatur, neu sit pecori neu pervia furi.

Neu tibi dædaleæ quærantur munera dextræ,
 Nec Polycletea, nec Phradmonis, aut Ageladæ 30
 Arte laboretur: sed truncum forte dolatum
 Arboris antiquæ numen venerare Ithyphalli
 Terribilis membri, medio qui semper in horto
 Inguinibus puero, prædoni falce minetur.
 Ergo age nunc cultus, et tempora quæque serendis 35
 Seminibus, quæ cura satis, quo sidere primum
 Na. cantur flores, Pæstique rosaria gemment,
 Quo Bacchi genus, aut aliena stirpe gravata
 Mitis adoptatis curvetur frugibus arbor,
 Pierides tenui deducite carmine Musæ. 40
 Oceani sitiens cum jam canis hauserit undas,
 Et paribus Titan orbem libraverit horis,
 Cum satur auctumnus quassans sua tempora pomis,
 Sordidus et musto spumantes exprimet uvas;
 Tum mihi ferrato versetur robore palæ 45
 Dulcis humus, si jam pluviis defossa madebit.
 At si cruda manet cœlo durata sereno,
 Tum jussi veniant declivi tramite rivi,
 Terra bibat fontes, et hiantia compleat ora.
 Quod si nec cœli, nec campi competit humor. 50
 Ingeniumque loci, vel Jupiter abnegat imbrem,
 Expectetur hyems, dum Bacchi Gnosius ardor
 Æquore cæruleo celetur, vertice mundi,
 Solis et adversos metuant Atlantides ortus.
 Atque ubi jam tuto necdum confisus Olympo, 55
 Sed trepidus profugit chelas, et spicula Phoebus
 Dira Nepæ, Tergoque Croti festinat equino,
 Nescia plebs generis, matri ne pareite falsæ.
 Ista Promethææ genitrix fuit altera cretæ:
 Altera nos enixa parens, quo tempore sævus 60
 Tellurem Ponto mersit Neptunus, et imum
 Concutiens barathrum lethæas terruit undas.
 Tumque semel Stygium regem videre trementem

Tartara, cum pelagi streperent sub pondere manes.
 Nos foecunda manus viduo mortalibus orbe 65
 Progenerat, nos abruptæ tum montibus altis
 Deucalionæ cautes peperere, sed ecce
 Durior, æternusque vocat labor: eja age segnes
 Pellite nunc somnos, et curvi vomere dentis
 Jam virides lacerate comas, jam scindite amictus. 70
 Tu gravibus rastris cunctantia perfode terga,
 Tu penitus latis eradere viscera marris
 Ne dubita, summoque frequentia cæspite mixta
 Ponere, quæ canis jaceant urenda pruinis,
 Verberibus gelidis; iræque obnoxia Cauri, 75
 Alliget et sævus Boreas, Eurisque resolvat.
 Post ubi Riphææ torpentia frigora Brumæ
 Candidus aprica Zephyrus regelaverit aura,
 Sidereoque polo cedit Lyra mersa profundo,
 Veris et adventum nidis cantarit hirundo, 80
 Rudere tum pingui, solido vel strecore aselli,
 Armentive fmo satures jejunia terræ,
 Ipse ferens olitor diductos pondere qualos:
 Pabula nec pigeat fesso præbere novali,
 Immundis quæcunque vomit latrina cloacis. 85
 Densaque jam pluviis, durataque summa pruinis
 Æquora dulcis humi repetat mucrone bidentis.
 Mox bene cum glebis vivacem cæspitis herbam
 Contundat marræ, vel fracti dente ligonis,
 Putria maturi solvantur ut ubera campi. 90
 Tunc quoque trita solo splendentia sarcula sumat,
 Angustosque foros adverso limite ducens,
 Rursus im obliquum distinguat tramite parvo.
 Verum ubi jam puro discrimine pectita tellus,
 Deposito squallore nitens sua semina poscit, 95
 Pangite tunc varios terrestria sidera flores,
 Candida leucoia et flaventia lumina calthæ,
 Narcissique comas, et hiantis sæva leonis

Ora feri, calathisque virentia lilia canis,
 Nec non vel niveos vel cæruleos hyacinthos. 100
 Tum quæ pallet humi, quæ frondens purpurat auro,
 Ponatur viola, et nimum rosa plena pudoris.
 Nunc medica panacem lacrima succoque salubri
 Glaucea, et profugos vinctura papavera somnos
 Spargite: quæque viros acuunt, armantque iuellas, 105
 Jam Megaris veniant genitalia semina bulbi;
 Et quæ sicca legit Getulis obruta glebis:
 Et quæ frugifero seritur vicina Priapo,
 Excitet ut Veneri tardos eruca maritos.
 Jam breve chærophylum, et torpenti grata palato 110
 Intyba, jam teneris frondens lactucula fibris,
 Alliaque infractis spicis et olentia late
 Ulpica, quæque fabis habilis fabrilia miscet.
 Jam siser, Assyrioque venit quæ semine radix,
 Sectaque præbetur madido sociata lupino, 115
 Ut Pelusiaci proritet pocula zythi.
 Tempore non alio vili quoque salgama merce
 Capparis, et tristes inulæ, ferulæque minaces,
 Plantantur: nec non serpentia gramina mentæ.
 Et bene odorati flores sparguntur anethi, 120
 Rutaque Palladiæ baccae vinctura saporem,
 Seque lacessenti fletum factura sinapis,
 Atque oleris pulli radix, lacrimosaque cepa
 Ponitur, et lactis gustum quæ condiat herba,
 Deletura quidem fronti data sigia fugarum, 125
 Vimque suam idcirco profertur nomine Graio.
 Tum quoque conseritur, toto quæ plurima terræ
 Orbè virens pariter plebi, regique superbo,
 Frigoribus caules, et veri cymata mitit:
 Quæ pariunt veteres cæsposo litore Cumæ, 130
 Quæ Marrucini, quæ Signia monte Lepino,
 Pinguis item Capua, et Caudinis faucibus horti,
 Fontibus et Stabiæ celebres, et Vesvia rura,

Doctaque Parthenope Sebetide roscida lympha,
 Quæ dulcis Pompeia palus vicina Salinis 135
 Herculeis vitreoque Siler qui defluit amni,
 Quæ duri præbent cymosa stirpe Sabelli,
 Et Turni lacus, et pmosi Tiburis arva,
 Brutia quæ tellus et mater Aricia porri.
 Hæc ubi credidimus resolutæ semina terræ, 140
 Assiduo gravidam cultu curaque fovemus,
 Ut redeant nobis cumulato foenore messes.
 Et primum moneo largos inducere fontes,
 Ne sitis exurat concepto semine partum.
 At cum foeta suos nexus adoperta resolvit, 145
 Florida cum soboles materno pullulat alvo,
 Præcitiis plantæ modicos tum præbeat imbres
 Sedulus irrorans olitor, ferroque bicorni
 Pectat, et argentem sulcis exterminet herbam.
 At si dumosis positi sunt collibus horti 150
 Nec summo nemoris labuntur vertice rivi,
 Aggere proposito cumulatis area glebis
 Eminet, sicco ut consuescat pulvere planta,
 Nec mutata loco siccos exhorreat ætus
 Mox ubi nubigenæ Phryxi, nec portitor Helles, 155
 Signorum et pecorum princeps caput efferet undis,
 Sima sinum tellus jam pandet, adultaque poscens
 Semina depositis cupiet se nubere plantis:
 Invigilate viri tacito nam tempora gressu
 Defugiunt, nulloque sono corvertitur annus. 160
 Flagitat ecce suos genitrix mitissima foetus,
 Et quos exixa est partus jam quærit alendos,
 Privignasque rogat proles. date nunc sua matri
 Pignora, tempus adest: viridi redimite parentem
 Progenie, tu cinge comam, tu digere crines. 165
 Nunc apio viridi crispetur florida tellus,
 Nunc capitis porri longo resoluta capillo
 Letetur, mollemque sinum staphylinus inumbret.

Nunc et odoratæ peregrino munere plantæ
 Sicaniis crocæ descendant montibus Hyblæ, 17
 Nataque jam veniant hilari sampsuca Canopo,
 Et lacrimas imitata tuas Cinyreia virgo,
 Sed melior stactis ponatur Achaica myrrha:
 Et male damnati moestis qui sanguine surgunt
 Alacii flores, immortalesque amaranti, 175
 Et quos mille parit dives natura colores,
 Disponat plantis olitor, quos semine sevit.
 Nunc veniat quamvis oculis inimica corambele,
 Jamque salutari properet lactuca sopore,
 Tristia quæ relevat longi fastidia morbi. 180
 Altera crebra viret, fusco nitet altera crine,
 Utraque Cæciliæ de nomine dicta Metelli.
 Tertia, quæ spisso, sed puro vertice pallet,
 Hæc sua Cappadocæ servat cognomina gentis.
 Et mea, quam generant Tartesi litore Gades, 185
 Candida vibrato discrimine, candida thyrsos est.
 Cypros item Paphio, quam pingui nutrit in arvo
 Punicea depexa coma, sed lactea crure est.
 Quot facies, totidem sunt tempora quamque serendi.
 Cæciliam primo deponit Aquarius anno, 190
 Cappadocamque premit ferali mense Iupercus.
 Tuque tuis Mavors Tartesida pange Kalendis,
 Tuque suis Paphien iterum jam pange Kalendis,
 Dum cupit, et cupidæ quærit sed jungere matri,
 Et mater facili mollissima subjacet arvo. 195
 Ingenera, nunc sunt genitalia tempora mundi:
 Nunc amor ad coitus properat, nunc spiritus orbis
 Bacchatur Veneri, stimulisque cupidinis aetus
 Ipse suas amat partes, et foetibus implet.
 Nunc pater æquoreus, nunc et regnator aquarum, 200
 Ille suam Tethyn, hic pellicit Amphitritem:
 Et jam cæruleos partus enixa marito
 Utraque nunc reserat, pontumque natantibus implet.

Maximus ipse Deum posito jam fulmine fallax
 Acrisioneos veteres imitatur amores, 205
 Inque sinus matris violento depluit imbre.
 Nec genitrix nati nunc aspernatur amorem,
 Sed patitur nexus flammata cupidine tellus.
 Hinc maria, hinc montes, hinc totus denique mundus
 Ver agit: hinc hominum, pecudum, volucrumque cupido,
 Atque amor ignescit menti, sævitque mecullis, 210
 Dum satiata Venus fœcundos compleat artus,
 Et generet varias soboles, semperque frequentet
 Prole nova mundum, vacuo ne torpeat ævo.
 Sed quid ego infreno volitare per æthera cursu 215
 Passus equos audax sublimi tramite raptos!
 Ista canat majore Deo, quem Delphica laurus
 Impulit, et rerum causas, et sacra moventem
 Orgia naturæ, secretaque fœdera coeli.
 Exstimulet vatem per Dindyma castra Cybelles, 220
 Perque Cithæronem, Nyseæaque per juga Bacchi
 Per sua Parnassi per amita silentia Musis
 Pierii nemoris, Bacchea voce frementem
 Delie te Pæan, et te evie evie Pæan.
 Me mea Calliope cura levioere vagantem 225
 Jam revocat, parvoque jubet decurrere gyro
 Et secum gracili connectere carmina filo,
 Quæ canat inter opus Musa modulante putator
 Pendulus arbustis, olitor viridantibus hortis.
 Quare age quod sequitur, parvo discrimine sulci 230
 Spargantur cæcis nasturtia dira colubris,
 Indomito male sana cibo quas educat alvus,
 Et satùreia thymi referens thymbræque saporem,
 Et tenero cucumis, fragilique cucurbita collo.
 Hispida ponatur cinara, quæ dulcis laccho 235
 Potanti veniat, nec Phœbo grata canenti.
 Hæc modo purpureo surgit glomerata corymbo,
 Myrtiolo modo crine viret, deflexaque collo

Nunc adoperta manet, nunc pinæa vertice pungit,
 Nunc similis calathæ, spinisquæ minantibus horret, 240
 Pallida nonnunquam tortos imitatur acanthos.
 Mox ubi sanguineis se floribus induit arbor
 Punica, quæ rutilo mitescit tægmine grani,
 Tempus hæc satio, famosaque tunc coriandra
 Nascuntur, gracilique melanthia grata cumino 245
 Et bacca asparagi spinosa prosilit herba,
 Et malache, prono sequitur quæ vertice solem:
 Quæque tuas audax imitatur, Nysie, viteis,
 Nee metuit senteis: nam vepribus improba surgens
 Achrados, indomitasque bryonias alligat alnos. 250
 Nomine tum Graio, cæu litera proxima primæ,
 Pangitur in cera docti mucrone magistri:
 Sic et humo pingui ferratæ cuspidis ictu
 Deprimitur folio viridis, pede candida, beta.
 Quin et odoratis messis jam floribus instat, 255
 Jam ver purpureum, jam versicoloribus anni
 Foetibus alma parens cingi sua tempora gaudet.
 Jam Phrygiæ loti gemmantia lumina promunt,
 Et conniventes oculos violaria solvunt,
 Oscitat et leo, et ingenuo confusa rubore 260
 Virgineas adoperta genas rosa præbet honores
 Coelitibus, templisque Sabæum miscet odorem.
 Nunc vos Pegasidum comites Acheloidas oro,
 Mænalidumque choros Dryadum, nymphasque Napæas,
 Quæ colitis nemus Amphrysi, quæ Thessala Tempe, 265
 Quæ juga Cyllenes, et opaci rura Lycaei,
 Antraqua Castaliis semper rorantia guttis,
 Et quæ Sicani flores legistis Halesi,
 Cum Cereris proles vestris intenta choreis
 Æqnoris Ennæi vernantia lilia carpsit, 270
 Raptaque, Lethæi conjux mox facta tyranni,
 Sideribus tristes umbras, et tartara cælo
 Præposuit, Ditemque Jovi, letumque saluti,

E
 V
 H
 T
 C
 C
 P
 N
 I
 S
 N
 J
 J
 N
 P
 S
 H
 N
 Q
 Q
 V
 S
 C
 E
 F
 F
 B
 S
 E
 D
 S
 J
 P
 M

Et nunc inferno potitur Proserpina regno :
 Vos quoque jam posito luctu, moestoque timore 275
 Huc facili gressu teneras advertite plantas,
 Tellurisque comas sacris aptate canistris.
 Hic nullæ insidiæ nymphis, non ulla rapina,
 Casta Fides nobis colitur, sanctique Penates.
 Omnia plena jocis, securo plena cachinno, 280
 Plena mero, lætisque virent convivia pratis.
 Nunc ver egebidum nunc est mollissimus annus,
 Dum Phoebus tener, ac tenera decumbere in herba
 Suadet, et arguto fugientes gramine fontes
 Nec rigidos potare juvat, nec sole tepentes. 285
 Jamque Dionæis retimitur floribus hortus,
 Jam rosa mitescit Sarrano clarior ostro.
 Nec tam nubifugo Borea Latonia Phoebe
 Purpureo radiat vultu, nec Sirius ardor
 Sic micat, aut rutilus Pyrois, aut ore corusco 290
 Hesperus, Eoo remeat cum Lucifer ortu:
 Nec tam sidereo fulget Thaumantias arcu,
 Quam nitidis hilares collucent foetibus horti.
 Quare age vel jubare exorto jam nocte suprema,
 Vel cum Phoebus equos in gurgite mersat Hiberno, 295
 Sicubi odoratas prætexit amaracus umbras,
 Carpite, narcissique comas, sterilisque balausti.
 Et tu, ne Corydonis opes despernat Alexis,
 Formoso Nais puero formosior ipsa
 Fer calathis violam, et nigro permixta ligustro 300
 Balsama cum casia nectens, croceosque corymbos,
 Sparge mero Bacchi: nam Bacchus condit odores.
 Et vos agrestes, duro qui pollice molles
 Demetitis flores, cano jam vimine textum
 Sarpiculum ferrugineis cumulate hyacinthis. 305
 Jam rosa distendat contorti flamina junci
 Pressaque flammeola rumpatur fiscina caltha,
 Mercibus et vernis dives Vortumnus abundet,

Et titubante gradu multo madefactus laccho
 Ære sinus gerulus plenos gravis urbe reportet. 310
 Sed cum maturis flavebit messis aristis,
 Atque diem gemino Titan extenderit astro,
 Hauserit et flammis Lernæi brachia Cancri,
 Allia cum cepis, cereale papaver anetho
 Jungite, dumque virent nexos deferte maniplos, 315
 Et celebres fortis fortunæ dicite laudes,
 Mercibus exactis, hilaresque recurrite iu hortos.
 Tum quoque proscisso riguoque dispersa novali
 Ocima comprimite et gravibus densate cylindris,
 Exurat sata ne resoluti pulveris æstus, 320
 Parvulus aut pulex irrepens dente lacessat,
 Neu formica repax populari semina possit.
 Nec solum teneras audent erodere frondes
 Implicitus conchæ limax, hirsutaque campe:
 Sed cum jam valido turgescit lurida caule 325
 Brassica, cumque tument pallentia robora betæ.
 Mercibus atque olitor gaudet securus adultis,
 Et jam maturis quærit supponere falcem,
 Sæpe ferus duros jaculatur Juppiter imbres,
 Grandine dilapidans hominumque boumque labores: 330
 Sæpe etiam gravidis irrorat pestifer undis,
 Ex quibus infestæ Baccho glaucisque salictis
 Nascuntur volucres, serpitque eruca per hortos;
 Quos super ingrediens exurit semina morsu,
 Quæ capitis viduata coma, spoliataque nudo 335
 Vertice, trunca jacent tristi consumpta veneno.
 Hæc ne ruricolæ paterentur monstra, salutis
 Ipsa novas artes varia experientia rerum,
 Et labor ostendit miseris, ususque magister
 Tradidit agricolis, ventos sedare furentes 340
 Et tempestatem Thuscis avertere sacris.
 Hinc mala Rubigo, virides ue torreat herbas,
 Sanguine lactentis catuli placatur et extis.

Hinc caput Arcadici nudum cute fertur aselli
 Tyrrhenus fixisse Tages in limite ruris. 345
 Utque Jovis magni prohiberet fulmina Tarchon,
 Sepe suas sedes præcinxit, vitibus albis.
 Hinc Amythaonius docuit quem plurima Chiron,
 Nocturnas crucibus volucres suspendit, et altis
 Culminibus vetuit feralia carmina flere. 350
 Sed ne dira novos segetes animalia carpant,
 Profuit interdum medicantem semina pingui
 Palladia sine fruge salis conspergere amurca,
 Innatave laris nigra satiare favilla.
 Profuit et plantis latices infundere amaros 355
 Marrubii, multoque sedi contingere succo.
 At si nulla valet medicina repellere pestem,
 Dardaniæ veniant artes, nudataque plantas
 Femina, quæ justis tum demum operata juventæ
 Legibus, obsceno manat pudibunda cruore, 360
 Sed resoluta sinus, resoluto mœsta capillo,
 Ter circum areolas, et sepem ducitur horti.
 Quæ cum lustravit gradiens, (mirabile visu)
 Non aliter quam decussa fluit arbore nimbus
 Vel teretis mali, vel tectæ cortice glandis, 365
 Volvitur ad terram distorto corpore campe.
 Sic quondam magicis sopitum cantibus anguem
 Vellere Phryxæo delapsum vidit Iolcos.
 Sed jam prototomos tempus decidere caules,
 Et Tartesiacos Paphiosque revellere thyrsos. 370
 Atque apio fascēs, et secto cingere porro.
 Jamque eruca salax foecundo provenit horto.
 Lubrica jam lãpathos, jam rhamni sponte virescunt,]
 Et scylla, hirtuta sepes nunc horrida rusco
 Prodit, et asparagi corruda simillima filo, 376
 Humidaque andrachne sitientes protegit antes,
 Et gravis atriplici consurgit longa fasellus.
 Tum modo dependens trichilis, modo more chelydri

Sole sub æstivo gelidas per graminis umbras
 Latortus cucumis, prægnansque cucurbita serpit. 380
 Una neque est illis facies. nam si tibi cordi
 Longior est, gracili capitis quæ vertice pendet,
 Et tenui collo semen lege: sive globosi
 Corporis, atque utero nimium quæ vasta tumescit;
 Ventre leges medio, sobolem dapit illa capacem 385
 Naryciæ picis, aut Actæi mellis Hymetti,
 Aut habilem lymphis hamulam, Bacchove lagoenam.
 Tum pueros eadem fluviis innare docebit.
 Lividus at cucumis, gravida qui nascitur alvo,
 Hirtus, et ut coluber nodoso gramine tectus, 390
 Ventre cubat flexo, semper collectus in orbem,
 Noxius exacuit morbos æstatis iniquæ.
 Foetidus hic succo, pingui quoque semine fartus.
 Atqui sub trichila manantem repit ad undam,
 Labentemque sequens nimio tenuatur amore, 395
 Candidus, effoetæ tremebundior ubere porcæ,
 Mollior infuso calathis modo lacte gelato,
 Dulcis erit, riguoque madeseit luteus arvo,
 Et feret auxilium quondam mortalibus ægris.
 Cum canis Erigones flagrans Hyperionis æstu 400
 Arboreos aperit foetus, cumulataque moris
 Candida sanguineo manat fiscella cruore,
 Tunc præcox bifera descendit ab arbore ficus,
 Armeniisque, et cereolis, prunisque Damasci
 Stipantur calathi, et pomis, quæ barbara Persis 405
 Miserat, ut fama est, patriis armata venenis.
 At nunc expositi parvo discrimine leti
 Ambrosios præbent succos, oblita nocendi.
 Quin etiam ejusdem gentis de nomine dicta
 Exiguo properant mitescere Persica malo. 410
 Tempestiva manent, quæ maxima Gallia donat;
 Frigoribus pigro veniunt Asiatica foetu.
 At gravis Arcturi sub sidere parturit arbos

Livia, Chalcidicis et Cœnis æmula Chiis,
 Purpureæque Chelidoniæ, pinguesque Mariscæ, 415
 Et Callistruthis, roseo quæ semine ridet,
 Albæque, quæ servat flavæ cognomina ceræ,
 Seissa Libysca simul, picto quoque Lydia tergo.
 Quia et Tardipedi sacris jam rite solutis
 Nube nova seritur, cœli pendentibus undis, 420
 Gongylis, illustri mittit quam Nursia campo,
 Quæque Amiterrinis defertur bunias arvis.
 Sed jam maturis nos flagitat anxius uvis
 Evius, excultosque jubet claudamus ut hortos.
 Claudimus, imperioque tuo paremus agrestes, 425
 Ac metimus læti tua munera, dulcis lacche,
 Inter lascivos Satyros, Panasque bifformes,
 Brachia jactantes vetulo marcentia vino.
 Et te Mænaliū, te Bacchum, teque Lyceum,
 Lenæumque patrem canimus sub tecta vocantes, 430
 Ferveat ut lacus, et multo completa Falerno
 Exudent pingui spumantia dolia musto.
 Hactenus arborum cultus Silvine, docebam,
 Siderei vatis referens præcepta Maronis,
 Qui primus veteres ausus recludere fœtes 435
 Ascræum cecinit Romana per oppida carmen.

DEBRECENI EGYETEMI KÖNYVTÁR
14330-1913

Digitized by
Reproducible

756428

756428

756428